

# Konferencija o primjeni medijacije u BiH

## Gradani dobivaju mogućnost efikasnijeg rješavanja spora

Naša zemlja ima spremnost i kadar, kaže ministar Kovač • Potrebna dobra volja, kaže Švarc-Siling

Podzakonski akti Udruženja medijatora u BiH prezentirani su jučer u Sarajevu na 3. nacionalnoj konferenciji „Budući izazovi u primjeni medijacije u BiH“, koju su organizirali Udruženje i Međunarodna finansijska korporacija (IFC). Na konferenciji su učestvovali sudije, advokati, pravnici i predstavnici domaćih vlasti, poslovne zajednice i donatorskih organizacija.

Podzakonskim aktima regulirat će se uvođenje registra medijatora, obavezni program obuke, tarife i drugi uvjeti za primjenu medijacije. Njihovim usvajanjem stvaraju se uvjeti da medijacija potpuno zaživi u BiH i da sklopljeni sporazum o nalogu ima snagu izvršne isprave.

Medijacija je postupak u kojem treća neutralna strana - medijator - pomaže strankama u nastojanju da postignu prihvatljivo rješenje spora. Tako će

### Dobri rezultati pilot-projekata

Dva pilot-projekta medijacije koje su Udruženje i IFC pokrenuli u saradnji sa sudovima u Banjoj Luci i Sarajevu polučila su značajne rezultate. Na ovaj način do sada je riješeno više od 250 sporova u ukupnoj vrijednosti od 14,7 miliona maraka.



Sarajevo: Sa jučerašnjeg skupa

građani moći svoje sporove riješiti mimo suda na jeftiniji i brži način, što će pomoći i njima i pravosuđu.

Konferenciji je prisustvovao i visoki predstavnik za BiH Kristijan Švarc-Siling (Christian Schwarz-Schilling), koji je istaknuo da je dugo radio kao međunarodni medijator.

- Uvijek je potrebna jedna stvar za uspješnost medijacije. To je dobra volja. Medijacija je neophodna u civilnom društvu - kazao je Švarc-Siling.

Ministar pravde BiH Slobodan Kovač rekao je da BiH ima obavezu ispuniti evropske standarde i urediti pravosuđe, posebno smanjiti broj neriješenih predmeta. Naglasio da je smo jedini u tranzicijskom sistemu koji uvodimo medijaciju.

N. JAMAKOVIĆ